

MAN OF THE YEAR VIA CANAL 90 Y VOZ DI ARUBA

ORANJESTAD [AAN] Nos ta na final di un otro aña, y ta momento mescos cu tur aña pa nos departamento di noticias y informacion eligi e personahe cu a duna un contribucion significativo na nos comunidad.

Tin aña nos ta otorga na sector empresarial, social, humanitario, cultural y deportivo.

E aña aki nos atencion a bai riba e politica y esaki tin su debido motibonan.

Politica ta determina destino di nacionnan. Aruba durante e aña aki a pasa den momentonan crucial pa lo cual ta trata su destino como pais autonomo den Reino Hulandes. E imagen no tabata esun di mas mihor y practicamente rumbo di Aruba tabata pinta su mes hopi pesimista, falta di placa, control rigido di Hulanda, falta di vivienda, costo di bida haltisimo, falta di optimismo, Aruba tabata tin mester di solucion nan y no mas confrontacion y discusion sin resultado.

Pueblo tabata sigi di acerca noticianan tocante su futuro, biahe di Hulanda, medidanan, accionnan, costo di bida halto etc.

Ora e sintomanan aki a apodera di un pais e loque ta sobra ta sucesonan negativo cu ta aplasta e sociedad su convivencia. E clasanan di sociedad su division ta separa mas y mas y asina ta afecta e poblacion negativamente.

Na final di '93 dreitando '94 ambiente tabata totalmente demotiva. Titularnan di corantnan tabata refleha un esfera sin speransa. Aña '94 a habri Aruba cu un horizonte vago y sin bista riba futuro. Hulanda a pone Aruba lomba contra mura.

Pa para pesimismo mester a origina un comienso nobo di

un evolucion positivo. Y ta solamente a nivel politico esaki lo por a bin refleha cu e influencia necesario pa henter nos comunidad. Enves di accion y protesta mester a inicia dialogo y acuerdos.

Aruba tabata tin mester di un guia nobo y positivo cu un vision total di kico tabata necesario pa ser haci y rapido. Aruba tabata tin mester di solucionan.

A ser priminti di e actual Ministro Presidente Cambio, y cambio ta locual pueblo tabata spera.

A cuminsa dialoga cu sectornan enves di confrontacion. E comienso nobo di un desarrollo positivo a cuminsa. Como informador Sr. Eman a guia e proceso pa yega na un coalicion di dos partido OLA y AVP.

Bo por tabata un votador di un di e dos partidonan aki of un contrincante pero tur arubiano tabata tin un pensamiento comun na momento di formacion lo mihor pa Aruba.



Aruba mester sali padilanti pa progreso di un y tur. Despues di tanto deterioro mester a bin e renovacion y rescate di e credibilidad di gobierno como instituto cu mester goberna nos como pais.

Mester a bin e renovacion di confiansa den nos mes. Den terminologia politico e ta ser yama e Cambio. Cu determinacion Sr. Henny Eman a implanta un pensamiento, un deseo cu ela ex-

presa y biba cune te na final di eleccion mester a bin Cambio Awor Si.

Den apenas algun siman na poder den gobierno e infraestructura gubernamental a ser prepara pa implanta un programa di gobernacion audaz.

E pensionadonan tabata number uno riba lista, nos grandinan cu tabata spera e momento historico di miran nan mes biba feliz enves di sobrevivir.

Ministronan di su gabinete a cuminsa drecha rapidamente loque ta malo, renova loque a daña, coregi caminda ta robes y entabla projectonan riba un velocidad cu ta duna e refleho di un dinamismo cu Aruba tabata sinti falta di dje.

Awe pueblo tin un guia pa cu su gobernacion y futuro. Awe nos por papia di un Aruba cu un ambiente positivo cu futuro prometedor. Tin speransa riba cara di nos hendenan atrobe. Caminda cu antes tabata tin securidad awe tin claridad.

Phylosofia di Sr. Henny Eman ta cu gobierno mester reparti e dividendonan di progreso cu su pueblo. Si-nembargo e trabaonan ta leew di termina, tin hopi mas pa wordu haci riba diferente tereno ainda cu lo exige di nos lidernan, nos politiconan hopi sabiduria, madurez y agilidad y responsabilidad.


Sin vision bo no tin bon gobernacion. Sin bon gobernacion lo no por tin progreso den un nacion. Sin liderazgo, vision y curashi un pueblo no por tin speransa. Y un pueblo sin speransa ta un pueblo sin futuro.

Reconociendo su esfuersonan y curashi e insistencia den loque e ta kere aden pa cambia Aruba su destino pa un prometedor pa un y tur.

Canal 90 y Voz di Aruba su departamento di noticias ta eligi Man Of The Year 1994.

Actual Ministro Presidente di Aruba mr. Henny Eman. E arquitecto politico di un comienso nobo pa nos pais.

HENDE NECHI TAMBE SA BRUHA !!



OfficeMart
Eagle, Mon-Sat 8-6 Tel. 37733

pa buki di
receta

DIARIO
26747